

ԲԱԳՐԱՏՈՒՆԻՆԵՐԻ ՀԱՍՏԱՏՈՒՄԸ ՏԱՐՈՆՈՒՄ ԵՎ ԱՐՇԱՒՈՒՆԻՔՈՒՄ

Պատմ. դիա. դոկտոր է. Լ. ԴԱՆԻԵԼՅԱՆ

Հայոց անկախ պետության վերականգնումը IX դարում մեծագույնս պայմանավորված էր հայ ժողովրդի պայքարով և Բագրատունիների՝ հայկական հողերը վերամիավորելու և թագավորությունը վերահաստատելու քաղաքականությամբ։ Այդ ուղղությամբ կատարած նրանց քայլերից էր Տարոնում և Արշարունիքում հաստատվելը, որը տեղի ունեցավ քաղաքական բարդ իրավիճակում։

Արաբական խալիֆայության դեմ բռնկված և համաժողովրդական պատերազմի բնույթ ստացած 774—775 թթ. հայ ժողովրդի ապստամբության ընթացքում նրա առաջնորդները՝ Տարոնի դարավոր տերեր Մամիկոնյանները օրեք ճյուղի էին բաժանվել։ Ապստամբության սկիզբը դրեց Արտավազդ Մամիկոնյանը Կումայրիում ոչնչացնելով արաբ հարկահաններին, այնուհետև, ստիպված հեռացավ և իր զինակիցների հետ պատսպարվեց Վաշխարհն Եգեբացուց¹։ Մուշեղ Մամիկոնյանը «միաբանեալ ընդ իւր զոմանս ի նախարարացն Հայոց» ի բաց եկաց ի հնազանդութենէ Իսմայելի. և գտեալ զոմանս յորդուցն Իսմայելի ի գաւառի իւրում և ի տան իւրում, որք եկեալ պահանջէին ի նմանէ զարիւնս ոմանց սպանելոց ի տոհմէ իւրեանց՝ խողխողէր զնոսա ի սուր սուսերի իւրոյ։ Եւ ինքն գաղթէր ամրոցն Արտագերոյ հանդերձ տամբ իւրով²։ Տարոնում մնացել էր Մամուել Մամիկոնյանի եղբայր Շապուհը, որի մասին վարդանը գրել է. «Բայց անկեւոցն ի մեծ պատեքազմին մնացորդք էին. այսոքիկ ... Մամուելի եղբայր մի Շապուհ անուն, իսկ Մուշեղայ՝ երկու որդիք և շորս դստերք. անդրանկին Շապուհ անուն»³։

Հայաստանում VIII դարի վերջում քաղաքական վիճակը բարդանում էր նաև Բագրատունիների պայքարով խալիֆայության դեմ ընդվզած և երկրում իշխանության ձգտող Ջահապյանների և, անուղղակի ձևով, վերջիններիս հովանավարող Մեհրուժան Արծրունու դեմ։ Եթե անդրադառնանք Արծրունյաց իշխանի ոչ հեռու անցյալին, նրա վարքագծի դրդապատճառները ավելի պարզ կդառնան։

Ղևոնդը գրել է. «Որ իբրև եհաս (նուգայման, 786—787—է. Դ.) ի քաղաքն Դուին՝ ընդ առաջ եղեն նմա ամենայն նախարարք Հայոց. ընդ առաջ լինէին նմա և իշխանք տանն Արծրունեաց Համազասպ և Սահակ և Մեհրուժան»⁴։

Ինչպես երևում է, Արծրունիները զլխավորում էին հայ նախարարներին⁵, շնայած այդ ժամանակահատվածում պաշտոնապես ճանաչված «Հա-

¹ Պատմություն Ղևոնդեայ Մեծի վարդապետի Հայոց. Ս. Պետերբուրգ, 1887, էջ 128; Ն. Ակինյանը ենթադրել է, որ Մամիկոնյանների այս ճյուղը ի վերջո ամփոփվեց Տայքում, որ «ի ընե ունեին իրենք կալվածքներ» (տե՛ս նրա Մատենագրական հետազոտություններ. հ. Դ, Վիեննա, 1933, էջ 52)։

² Ղևոնդ, էջ 139։

³ Վարդանյայ վարդապետի Հաւաքումն պատմութեան. Վենետիկ, 1862, էջ 76։

⁴ Ղևոնդ, էջ 162։

⁵ Այս տեսակետից պերճախոս է նաև հետևյալ նկարագրությունը. «Իսկ ըրաւտեաց թշնամին տանեալ զզնդադէշ վայելչութիւն փառաց նոցա և զբարեղարգութիւն ազատախումբ փնդին որ ընդ նոսա...» (նույն տեղում)։

յոց իշխան» չկար: Արծրունիները, ամենայն հավանականությամբ, օգտվելով ստեղծված իրավիճակից, իրենց հերթին փորձում էին Հայաստանում առաջնային դիրք զրավել⁷: Իսկ եղբայրներից գլխավորը Համազասպն էր, քանի որ հիշատակված է որպես «ստէրն Արծրունեաց»⁸:

Պարզ է, որ հայ նախարարների ինքնիշխանությունը չէր կարող դուր գալ խալիֆայությանը: Դա հատկապես զայրացնում էր արաբ ոստիկաններին, որոնք ի դեմս հրանց տեսնում էին իրենց տիրակալական շահերը ոտնահարող ախույանների նման իրավիճակ ստեղծվել էր դեռևս Տաճատ Ան-ձնուցու (781—785) ժամանակ: Սակայն եթե Օթման ոստիկանը (783—785) չկարողացավ բացահիշել հանդես դալ Տաճատի դեմ և միայն նենգությամբ իր հաշիվները մաքրեց նրա հետ, ապա այժմ, Խուզայման բիրտ ուժի դիրքից հաշվեհարդար տեսավ հայ նախարարներին գլխավորող Արծրունիների հետ, որոնցից կենդանի մնաց միայն Մեհրուժանը՝ մահմեդականություն ընդունելու: Դնով⁹: Այդ քայլով Մեհրուժանը ամրապնդեց իր դիրքերը և ընդարձակեց իր տիրույթները, ինչպես նաև սկսեց ավելի ակտիվորեն մշտմանը: Լրկրի ներքին քաղաքական կյանքին: Խալիֆայությունը նրա գործողությունները հանդուրժում էր, քանի որ նրան դիտում էր որպես հակակշիռ օրովուր հզորացող Բագրատունիներին: Սակայն, ինչպես հայտնի է, խալիֆայությունը, ի վերջո, ստիպված էր հաշվի նստել Բագրատունիների հետ: Այսպիսով, Աշոտ Բագրատունին և Մեհրուժան Արծրունին, որպես Հայաստանի այդ ժամանակաշրջանի ամենից խոշոր ավատական տների ներկայացուցիչներ, ձգտում էին որքան հնարավոր է ընդարձակել իրենց տիրույթների սահմանները, որով նրանք հնարավորություն կստանային գերիշխող դիրք զրավել երկրի քաղաքական կյանքում: Այս տեսանկյունից գնահատելով Աշոտի և Մեհրուժանի գործունեությունը, կարելի է ասել, որ առաջինի՝ ղեկի հայոց պետության վերականգնումը տանող ձեռնարկումները արդյունավոր էին, իսկ երկրորդի ընտրած ուղին կորստաբեր էր երկրի համար:

Բագրատունիների քաղաքական ասպարեզում գտնվելը այնպիսի ծանր ժամանակաշրջանում, երբ Հայաստանը հեծում էր խալիֆայության լծի տակ, նրանց իրկրի կենսական շահերից բխող ավելի լայն ծրագրերի իրագործման տեղիք էր տվել, քան ունեւր Արծրունյաց իշխանը, որի անփառունակ և ողբերկական ելք ունեցած գործունեության որոշ դրվագներ պահպանվել են Վարդան Արևելցու հաղորդումներում: Նա գրել է, որ Մուշեղ Մամիկոնյանի ղավակները «անկան յերկիրն Վասպուրական. զորս եսպան գերկուսին Մեհրուժան Արծրունի»¹⁰:

Այսպիսի ոճրագործությամբ Մեհրուժանը, շեշտելով իր հավատարմությունը, հաճոյանում էր խալիֆայությանը¹¹ և քաղաքական ասպարեզից հե-

⁶ Այն, որ Բագրատունիները այս ժամանակ խալիֆայության կողմից պաշտոնապես չէին ճանաչվել, երևում է նաև արաբական ղորավար Լիպառոն Արդալայի դեմ Աշոտ քաջի (Մոակեր) կովկու և հաղթելու փաստից (Վարդան, էջ 77):

⁷ Արծրունիները արաբական ղերիշխանության տարիներին առաջին անգամն էր, որ նման լայն ասպարեզ էին դուրս գալիս: Ժիշտ է այդ րավականին կարճ տեւց, սակայն պետք է մեծ աղեղություն թողած լինել հատկապես Մեհրուժանի տիրակալական ձգտումների վրա, ինչպես ցույց տվեցին հետագա դեպքերը:

⁸ Վահագն, էջ 146:

⁹ Նույն տեղում, էջ 160—163:

¹⁰ Վարդան, էջ 76:

¹¹ Նման Լորակացության կարելի է հանգել, ելնելով նույն տեղում արված Վարդանի մյուս նշումից, որ Մեհրուժանը Մուշեղի երկու ղավակներին սպանեց «որպէս թի ի սլուտ-հառս հօրն նոցա եղև աղէտն մեծ»: Կարծում ենք այստեղ նկատի է առնված ոչ միայն ասպատամբության ճնշումը (տե՛ս Գ. Գրիգորյան. Տարսնի Բագրատունիների Ֆեոդա-

ուսցնելով Մուշեղ Մամիկոնյանի զավակներին, փաստորեն, Ջահապին հնարավորություն էր տալիս, առնվազն, Մուշեղի ժառանգությունը տիրանալու, ինչը Մեհրուժանին մի առ ժամանակ ձեռնադրել էր։ Հենց այդ նպատակով էր Մեհրուժանը Մուշեղի աղջիկներին մեկին կնության տվել Ջահապին թիկունս առնելով զնա¹² պատրվակով։ Մեհրուժանը կարող էր օգտագործել նաև այն իրավիճակը, որը ստեղծվելու էր կենտրոնական Հայաստանում իր կողմից հովանավորված Ջահապյանների և հայոց հողերը միավորող Բագրատունիների բախման հետևանքով։ Սակայն Ջահապի ոտընձգությունները և Մեհրուժանի կորստաբեր ծրագրերը կասեցվում են Բագրատունի եղբայրների կողմից։

Վարդանը գրում է. «Ջահապ յափշտակեալ էր մասն ինչ յԱրշարունեաց, և խորհէր տիրել ի ձեռն կնոջն բոլոր աշխարհին, զայն առին յինքեանս Աշոտ և Շապուհ»¹³։ Ջահապը, կնոջ ժառանգությունը տեր դառնալու նպատակով, ինչպես նշել է ն. Աղոնցը, հափշտակել էր Արշարունիքի մի մասը Արտագերս հուշակավոր ամրոցով, որտեղ ապստամբության ժամանակ մինչև Բագրատունի ճակատամարտում սպանվելը ամրացել էր Մուշեղ Մամիկոնյանը իր ընտանիքով¹⁴։ Ասողիկը տեղեկացնում է. «Իսկ ըստ իշխանաց կարգին զկնի Սմբատայ, որդւոյ Աշոտոյ՝ Աշոտ որդի նորա, որ Մսակերն կոչիր՝ ամս ի։ Սա գանձագին արար զգաւառն Արշարունեաց յազգէն Կամսակարանաց, և զարքունիսն ի Կոզովտէ յԱրշարունիս փոխեաց»¹⁵։ Պարզ է, որ Արշարունիքից Ջահապին դուրս վնդելուց հետո միայն Բագրատունիները կարող էին իրենց նստավայրը վերջնականապես տեղափոխել Կոզովտից¹⁶։

Այլ իշխանների հետ 785 թ. ներսես Կամսարականի¹⁷ զոհվելուց հետո Արշարունիքի գնումը պետք է ձևական բնույթ կրեր, որպեսզի Բագրատունիները դրա օրինավոր տերերը ճանաչվեին։ Այդ դեպքում որպես վաճառող

լական իշխանությունը IX—X դարերում. Երևան, 1983, էջ 52), այլ ընդհանրապես խալիֆայության լծի դեմ Մամիկոնյանների զլխավորած ապստամբությունը, որը Մեհրուժանի ընչաքաղց ըմբռնման շրջանակներում դիտվում էր որպես երկրի կարգ ու կանոնի խախտում. աղետ, և նա, փաստորեն, մահապատժի ենթարկեց Մուշեղի զավակներին։

¹² Վարդան, էջ 76։ Իզական գծով նախարարական հողային տիրույթների մասնատման նվաճողների վարած քաղաքականությունը նոր. երևույթ էր վաղ միջնադարյան Հայաստանում և այն սկսել էր դեռևս Հուստինիանոս I-ը (527—565) երկրի բյուզանդական տիրապետության տակ անցած մասում։ Իհարկե, բյուզանդական կայսրի համապետական միջոցառումներից բխող և հայոց նախարարական ժառանգական իրավունքը խախտող այդ երկվույթը այլ ժամանակաշրջանի և ժամանակին ընդգրկում է ունեցել, որի հետ Ջահապի առնչությունը հիշատակվող դրվագը համեմատելի չէ, սակայն երկու դեպքում էլ նվաճողների նպատակը նույնն էր՝ տիրանալ հայ նախարարական տների ժառանգական հողերին։

¹³ Նույն տեղում։

¹⁴ Ն. Աղոնց. Պատմական ուսումնասիրություններ. Պարիս, 1948, էջ 59։ Բացի նշված զավակներից Մուշեղ Մամիկոնյանը գուցե նաև այլ ազգականներ է ունեցել, որոնք կարող էին Բագրեանդ անցած լինել։

¹⁵ Ստեփանոսի Տարօնեցույ Ասողկան Պատմութիւն Տիեզերական. Ս. Պետերբուրգ, 1885, էջ 106։

¹⁶ Ինչպես նշել է ն. Աղոնցը, Բագրատունիները սկզբնապես պետք է հաստատվեին Արշարունիքի այն մասում, որտեղ Բագրատուն էր (Պատմական ուսումնասիրություններ, էջ 59)։

¹⁷ Ղևոնդ, էջ 161։ Ս. Կոզյանը, հայ նախարարների Դերբենդի կողմերը զնալու տարեթիվ համարելով 784/5-ը, առանց հիմնավորելու ենթադրել է, թե Կամսարականները 783 թ. վաճառել էին իրենց հողերը (Ս. Կոզյան. Կամսարականները Վճեաք Շիրակայ և Արշարունեաց. Վիեննա, 1926, էջ 168—169)։ Ի դեպ, պետք է վերականգնել այն, որ զիտնականը նույն տեղում Մուշեղի փոխարեն Արտավազդին է հիշատակել Վարդանի վերահիշյալ հաղորդման կապակցությամբ։

կողմ կարող էր հանդես գալ Կամսարականների տան նույնիսկ որևէ ու նշանավոր անդամ¹⁸։

Կ. Թումանովը կարծում է, թե Աշոտ Մսակերը պատասպարվել էր Սպերում և այնտեղի արծաթի հանքերի շնորհիվ Կամսարականներից կարողացավ դնել Արշարունիքը և Շիրակը¹⁹։ Աշոտ Մսակերը հաստատվել էր Տաթևում և հիմնել Կամսար (Վարդանի երկի մեղ հասած տեքստում՝ Կամար), իսկ Սպերը Վարդանի հիշատակել է միայն համեմատելու համար Աշոտի դործունեությունը Ռյուրատյան Սմբատի հետ²⁰։ Ինչպես հետևում է Վարդանի հաղորդումներից, Աշոտը աստիճանաբար միավորում էր հայկական հողերը՝ ծանր պայքարի մեջ մտնելով օտար նվաճողների հետ։ Իսկ Սպերի ստեղծությունը հետաքրքիր է ևս մեկ փաստ, որը կապվում է Աշոտ Մսակերի եղբոր՝ Շապուհի որդի Աշոտի հետ։ Աստղիկը գրել է, որ Թեոփիլոս կայսրը (829—842) «դնաց ի խաղտիս... և տուեալ ղ հիւրատաւորութեան պատին, ուսինքն՝ ապուհիւստ պատրկութիւն՝ Աշոտու որդու Շապհոյ և թողու ի Սպեր դաւառիս»²¹։

Զ. Նալբանդյանի կարծիքով, Կամսարականները Շիրակը վաճառեցին Աշոտ Մսակերին այն պատճառով, որ Զահարյան Սպերականի կովից հետո տիրացել էր Արշարունիքին և իր դիրքերն ամրապնդել ամուսնանալով Մամիկոնյան իշխանուհու հետ²²։ Այնինչ, Նալբանդյանը Կամսարականը Բագրատունի Վրթնիկի ճակատամարտից (775) տասը տարի անց է սպանվում, իսկ Զահարյան ամուսնությունն էլ տեղի ունեցավ Վրթնից միառժամանակ անց։

Անհրաժեշտ է նշել, որ Բագրատունիները հենց այնպես, առանց պատճառի չէին կարող թողնել իրենց հայրենի կալվածքը՝ Կոգովիտը, որի մասին Ղևոնդը գրել է. «Եւ շինէր (Աշոտ Բագրատունին՝ 685—689—է. Դ.) ղեկեղեցին Դարինից (Կոգովիտում—է. Դ.) յիւրում ոստանին... Ածէին զիշխանն (նույն Աշոտին—է. Դ.) ի Կոգովիտ կարեւոր խոցմամբն, որ ի նոյն մահիճս վախճանիցս իստաւորապէս, ի թաղեցաւ ի կայս հանգստեան իւրոյ ի գիւղն Դարինս... Եւ ժողովէր (Աշոտ Կույր Բագրատունին՝ 732—748—է. Դ.) զաղխս տան իւրոյ յամրոցն Դարինից, և գտիկինն և զամենայն ընտանիս իւր. և թողոյր պահապան ի վերայ ամրոցին պահել... Վախճանէր (նույն Աշոտը—է. Դ.) բարոք ծերութեամբ, և հոգիս ի տապանի փառաւորապէս ի կայս հանգստեան իւրոյ ի գիւղն Դարինս»²³ և այլն։ Որքա՞ն զորեղ

¹⁸ Ինչպես նշել է Ն. Աղսեցը, Կամսարականների տոհմը սպանվել էր և Աշոտ Մսակերը Արշարունիքի մի մասը գնեց նրանց ժառանգներից (նշվ. աղբ., էջ 59)։ Նույն տեղում ներառել Կամսարականի մահը գրված է 775 թ., որը պետք է տպագրական վրիպակ լինի։

¹⁹ Toumanoff. Studies in Christian Caucasus History. Georgetown, 1953 p. 323—324, n. 81.

²⁰ Վարդան, էջ 76—77։

²¹ Աստղիկ, էջ 144։

²² Զ. Նալբանդյան. Արաբացի ոստիկանները Հայաստանում.—ՀնՄՀ ԳԱ «Տեղեկագիր», (հաս. դիտ.), 1956, № 8, էջ 117։

²³ Ղևոնդ, էջ 16, 18, 119, 124։ Սերևոսի հաղորդումներից երևում է, որ շնայած 591 թ. Կամսարունից հետո Կոգովիտը մնացել էր Հայաստանի՝ Ռյուդանդիային անցած արեմտյան մասում, իսկ Սմբատ Խոսրով Ծում Բագրատունին պարսից ծառայության մեջ էր և իր որդու՝ Վարդապիտի հետ երկար ժամանակ գտնվում էր Պարսկաստանում (նա Հայաստան վերադարձավ կարճ ժամանակով՝ 007/8 թ.), սակայն մահվանից (618 թ.) հետո նրա մորմինը բերեցին Հայաստան և հողին հանձնեցին իր հայրենի Կոգովիտի կալվածքում, որտեղ շարունակում էին ապրել նրա հարազատները և ազգականները (Սերևոս, էջ 104)։ VII դարի երկրորդ քառորդում Կոգովիտի Բագրատունիները զգալի դեր խաղացին վերամիավորվող Հայաստանի քաղաքական կյանքում, երկար ղեկավարումներից հետո Տաթևում հայտնված և այնտեղ էլ մահացած Վարդապիտի գին նույնպես բերեցին և հողին հանձնեցին Կոգովիտում (նույն տեղում, էջ 144)։

պետք է լինեին պատճառները, որպեսզի Բագրատունիները ստիպված հեռանային Կոգովիտից: Այդ պայմանավորված էր թե՛ արաբական, ցեղերի հայտնվելով և թե՛ Արծրունիների առաջխաղացմամբ: Այն, որ Արծրունիները այդ կողմերում բաժանվեցին ակտիվացել էին, երևում է թեկուզ այն փաստից, որ նրանք միառժամանակ գտնվում էին Դվինում²⁴, ուր Վասպուրականից ճանապարհը անցնում էր Գառնիձոր լեռնանցքով և Կոգովիտով:

Արաբական ցեղերի-ներխուժման հետևանքով Բագրատունիները Գնունիներին նրանց հայրենական կալվածքից՝ Աղիովիտից տեղափոխեցին Տալթ-²⁵: Իսկ ինչպես հայտնի է, Աղիովիտը հեռու չէր Կոգովիտից: Կարծում ենք, որ Մեհրուժան Արծրունին պակաս դեռ չէր խաղացել Կոգովիտից Աշոտի հեռանալու գործում: Մահմեդականության ընդունած Մեհրուժանին կարող էին աջակցել ոչ միայն Ջահապը, այլև հիշյալ արաբական ցեղերը: Այլ պարագաներում Բագրատունիները, թերևս, կկարողանային տիրել Կամսարականների տիրույթներին առանց ձեռքից Կոգովիտը բաց թողնելու: Այնուամենայնիվ, խալիֆայության ներկայացուցիչների և Ջահապյանների դեմ մղած պայքարում Բագրատունիներին հաջողվեց հաստատվել Արշարունիքում, Շիրակում, Աշոցքում և Տալթի մի մասում²⁶:

Ինչպես երևում է, Աշոտ Մսակերը միառժամանակ չէր կարողացել իրեն ապահով զգալ Հայաստանի կենտրոնական գավառներում, ուստի իրեն նրստավայր էր ընտրել նախապես Կալմախը Տալթում, այնտեղից հետևելով և միջամտելով երկրի անցուղարձին: Նա Գնունիներին տեղափոխեց Տալթ, սակայն ինքը չկարողացավ տեղ դառնալ նրանց տիրույթներին: Այլ էր վիճակը Տարոնում:

Լեոն եղբայրիչ է, ոչ Մամուկ Մամիկոնյանը, բացի Սմբատի կնոջից (Աշոտ Մսակերի մայրը), որը իր դուստրն էր, ուրիշ ժառանգ չունեի և նրա կալվածքներն անցան նրա թոռներին՝ Աշոտին ու Շապուհին Բագրատունյաց տոհմից²⁷: Նա իրավաբան էր Բագրատունիներին այս տեսանկյունից դիտելով Մամիկոնյանների ժառանգներ, սակայն, առնվազն, կենդանի էր մնացել Մամուկի եղբայրը՝ Շապուհը: Այս դեպքում Բագրատունիների ժառանգական իրավունքները Տարոնի վրա կարող էին ուժի մեջ մտնել միայն Շապուհ Մամիկոնյանի կողմից Տարոնը կամավոր հանձնելուց²⁸, կամ նրանից գրավելուց և կամ էլ նրա մահվանից հետո:

Վարդանի երկից իմանում ենք, թե Տարոնին տիրելու համար ինչպես է ընթացել Բագրատունիների պայքարը Ջահապյանների դեմ: «Իսկ Ջահապյան ապստամբնալ յիւրմէ ի իշխանէն, գայ նստի ի Դուին Բռնութեամբ, որդւոյ իւրով Աբղլայի: Եւ իբրեւ հոսեա զայն կիւրապաղատն Աշոտ, առաջէր առ կայսրն Լեոն օգնել նմա, և նա չէր պարապ. զի Միւրայէլ ոմն շանացեալ սպանանել զնա, և ոչ յաշողեալ գործոյն, այլ իմացեալ կայսերն՝ կամեցաւ

24 Դվինը, որպես խալիֆայության վարչական կենտրոններից մեկը, արդեն սկսել էր իր տեղը զիջել Պարտավին: Այդ երևում է նաև այն փաստից, որ խուլայմային դիմավորողները միայն հայ նախարարներ էին: Պարտավը վերջնականապես Արմինիայի կուսակալի նստավայր դարձավ խալիֆ Հարուն ալ-Ռաշիդի (786—809) ժամանակ, որը «ունէր հակառակորդ զեղբայր իւր Ուրբէղա (788—791)» և վասն հակառակութեանն որ ընդ միմեանս՝ բաժանէր ե տայր եղբօր իւրում ղԱտրպատական և զՀայս հանդերձ Վրօք և Աղուանիք» (Ղևոնդ, էջ 166):

25 Վարդան, էջ 77:

26 Նույն տեղում, էջ 76—77:

27 Լեոն. Հայոց պատմություն. հ. Բ, Երևան, 1967, էջ 412:

28 Շապուհը Աշոտ Մսակերի պապի՝ Մամուկի եղբայրն էր: Տեսնելով Տարոնի վրա կախված վտանգը, նա կարող էր անցնել Աշոտի հովանավորության տակ այնպես, ինչպես արեցին Գնունիները, այն տարբերությամբ, որ Աշոտ Մսակերը չկարողացավ իր ձեռքում պահել վերջիններիս տիրույթները:

սպանանել զնա, և աղաչեցեալ ի թագուհուն՝ մինչև անցցէ զատկին օր, վասն որոյ եղաւ ի րանտի. և էր բանտապահն բարեկամ Միքայելի, որ կաշառեալ զմանկլավիկքն, որք են սենեկապանք արքայի և մօտակայք. և սոքա յանկարծակի սրովք դիմեցին ի վերայ կայսերն յեկեղեցին ի ժամ պատարագին, և նորա փախուցեալ առ սեղանն բուռն եհար զնմանէ. իսկ նոքա անողորմ դազանաբար սպանին զնա ի տեղուցն: Եւ թագաւորեաց Միքայէլն. եւ յանէր ի խնդիր մեծ զօրավարին Մանուելի Մամիկոնենոյ. և նորա աճապարեալ հարիւր և հիւսուն արամբօ անկանի ի Կամախ, և անտի առ Մամուն իշխանն Իսմայելի, որ սպանեալ զեղբայրն Մահմէտ՝ իքնքն տիրէր Տաւկաց... րայց տունն Ջահապայ ղօրացեալ ի Դուին, իբրև հինգ հազարաւ կամեցան զնալ ի Տարօն²⁹, իշխանութիւն Աշոտոյ որդւոյ Սմբատայ. իսկ ողջախոհն այն և քաշն հաւատացեալ՝ երկերիւր հեծելօք և երեք հարիւր հետեակօք ել ռնդղէմ նոցա լմնացեալ հաւաքման ղօրացն, և կոտորեաց ի նոցանէ զերեք հազարսն, և հասեալ ի բանակս նոցա՝ էառ զամենայն մեծութիւնս նոցա, և դարձան խնդութեամբ փառաւորելով զՔրիստոս: Եւ Շապուհ եղբայր նորա ասպատակեալ ի կողմանս Դնայ, և առեալ աւար բազում դառնայր. և թափեալ ղօրն ի քաղաքէն զհետ նորա, և քաղաքացիքն դիմեալք ի վերայ Լեղլիմիքի, սպանին զնա, և ածին զդուռն քաղաքին. և դարձեալ ղօրացն և իմացեալ զեղեան, չքոտեցան և կորեան ի միջոյ³⁰:

Այստեղ նշված անցքերը կարելի է մի քանի կետերի բաժանել. 1) Ջահապայ ասպատակութեամբ է և իր որդու հետ դրավում Դվինը, 2) կյուրապաղատ Աշոտը (813—830) Ջահապայանների դեմ պայքարելու համար օգնութեան խնդրանքով դիմում է կայսր Լեոն V-ին (813—820)³¹, 3) Լեոն V-ի սպանութեանից հետո կայսր է դառնում Միքայել II-ը (820—829), 4) «Ջահապի տան» ղորքը շարժվում է Աշոտ Մսակերին պատկանող Տարոնը դրավելու, սակայն ճանապարհին վերջինիս հարվածներից պարտվում է, 5) Աշոտի եղբայր՝ Շապուհը արշավում է Դվինի կողմերը, իսկ քաղաքի բնակչութիւնը սպանում է Ջահապի որդուն՝ Աբդալ-Մալիքին:

Հետադոտողները այն կարծիքին են, որ նշված առաջին և վերջին կետերի միջև ընկած ժամանակաշրջանն ընդգրկում էր 813—820 թթ.: Լեոն Աշոտ Մսակերի կողմից Ջահապին պարտութեան մատնելու ժամանակը դրել է 820 թ.³², իսկ Կ. Թումանովը նշել է. «820 թ. Մանաղկերտի կայսիկը դրոհեց Դվինի վրա»³³, Հստ 3. Մարքվարտի, Տարոնը՝ Մամիկոնյանների հին ախրոյթը, Ջահապայանների տան դեմ մղված պայքարում ևս պետք է ընկած լինել Աշոտի իշխանութեան տակ և մոսավորապես 820 թ. ուղղակի որպէս նրա իշխանութիւն էր դիտվում»³⁴, Հ. Նալբանդյանը, հենվելով Աբդ

²⁹ Ն. Ակիսյանը առաջարկել է կարդալ «Դարինո» (Մատենադարանի հետազոտութիւններ. հ. 7. Վիեննա, 1930, էջ 324), որը անհավանական է նաև այն պատճառով, որ մինչ այդ, ինչպես վերը տեսանք, Բաղրատունիներն արդեն հեռացել էին Կողովտից:

³⁰ Վ. Բ. Կ. Կ. էջ 77—78:

³¹ Ա. Տեր-Ղևոնդյանը նշել է, որ ամբողջ Արմինիայի համար այնպիսի վտանգավոր վիճակ էր ստեղծվել Աբդալ-Մալիքի գործունեության հետևանքով, որ Քարթլիի իշխան Աշոտ Կյուրապաղատը դիմեց Լեոն V-ի օգնութեանը, որը, սակայն, սպանվեց (A. Тер-Геворкян. Армения и Арабский халифат. Ереван, 1977, էջ 128): Ինչպես երևում է վարդանի հաղորդումներից, Աշոտ Կյուրապաղատը Լեոնին դիմել էր Աշոտ Մսակերին օգնութեան համար: Ն. Աղոնցը իրավացիորեն նշել է, որ «Աշոտի միջամտութիւնը նշան է, որ տոհմական կապերը տակավին սերտ էին Կղարքի և Շիրակի Բաղրատունիների մեջ» (Պատմական ուսումնասիրութիւններ, էջ 65):

³² Լ. Լ. Կ. էջ 417:

³³ The Cambridge Medieval History. V. IV, Cambridge, 1966, p. 609.

³⁴ J. Markwart. Südarmenien und die Tigrisquellen. Wien, 1930, S. 234.

ալ-Մալիքի անունով հայտնի դրամների (812—813) և Վարդանի հաղորդման վրա, Զահապի որդու գործունեությունը դնում է 813—820 թթ. միջև³⁵։ Զահապյանների և Բագրատունիների միջև տեղի ունեցած պայքարի և այս փուլում առաջինների պարտության ժամանակը ճշգրիտ որոշվում է Արդ ալ-Մալիքի մասին եղած տեղեկությունների հիման վրա, որոնք խմբավորվում են 812/13 թ. շուրջը³⁶։ Արդ ալ-Մալիքը եկավ և պաշարեց կուսակալ Թահիր իբն Մուհամմադ աս-Սանանին Պարտավում, սակայն շուտով օգնություն հասավ Մամուն խալիֆից, Թահիրը ազատվեց, իսկ Արդ ալ-Մալիքը ներման արժանացավ³⁷։

Ինչպես նշել է Մ. Կանարը, Թահիրը պարսկական զորավար էր և 809 թ. Հարունի մահվանից հետո վերջինիս որդիների՝ ալ-Ամինի և ալ-Մամունի միջև ծագած քաղաքացիական կռիվներին մասնակցում էր որպես վերջինիս կողմնակից և 813 թ. նոր գահակալած խալիֆ Մամունը Բաղդադի հաջող պաշարման համար նրան խորասանի կառավարիչ նշանակեց³⁸։ Սակայն մինչև խորասան մեկնելը Թահիրը, ինչպես երևում է դեպքերի ընթացքից, ուղարկվել էր Արմինիա կուսակալություն՝ կենտրոնախույս ուժերը զսպելու համար։ Հետագոտողները իրենց ուշադրությունը կենտրոնացրել են Արդ ալ-Մալիքի վրա, այնինչ, ինչպես երևում է Վարդանի հաղորդումից, նրա հայրը՝ Զահապը ակտիվորեն աջակցում էր իր որդուն։ Ուրեմն, հայր և որդի տիրանալով Դվինին այնուհետև կարող էին նաև այլ ուղղություններով գործել։ Նկատի ունենալով, որ Թահիրը եկել էր Պարտավ 813 թ. և նրան պաշարել էր Արդ ալ-Մալիքը, կարելի է ասել, որ Տարոնի ուղղությամբ գնացել էր Զահապը։ Վարդանի հաղորդումից նաև երևում է, որ Աշոտի և Զահապյանների զորքերի միջև ճակատամարտը տեղի էր ունեցել Տարոնից դուրս, և այդ ժամանակ էլ պետք է սպանված լինեին Զահապը։

Եթե այդ անցքերը տեղի էին ունեցել 813 թ., ինչն էլ պատճառը, որ հետագոտողները դրանց առողջությունը երկարաձգում են մինչև 820 թ.։ Վարդանի հաղորդումը բաժանելով կետերի, տեսանք, որ երկրորդ և երրորդ կետերը պատմիչը այնպես է շարադրել, որ թվում է, թե մեկը տրամաբանորեն բխում է մյուսից։ Այնինչ, մի կողմից առաջին և դրանից հետևող երկրորդ կետի և, մյուս կողմից, երրորդ կետի միջև 6—7 տարի է ընկած³⁹, իսկ չորրորդ կետում շարադրանքը նորից կապվում է առաջին կետի ժամանակաշրջանի հետ։ Ուրեմն, հետադոտողների մի մասը, ուղղակի հետևելով Վարդանի շարադրանքին (առանց ժամանակագրական փուլերի բաժանելու) և իմանալով Արդ ալ-Մալիքի ոստիկանության և Լևոն V-ի մահվան տարեթվերը, նկարագրված անցքերը դրել է 813—820 թթ., իսկ մյուս մասը, կարծելով, թե այդ ժամանակ կատարվել է Լևոնի վերջին տարում, երբ նա պայքարում էր Միքայել II-ի դեմ, խոսում է միայն 820 թ. մասին։

Ժամանակագրելով Վարդանի հաղորդումները՝ հետևյալ պատկերն է

35 Զ. Նալբանդյան. *Նշվ. աշխ.*, էջ 118։ Նրան են հետևում Ա. Տիր-Ղևոնդյանը (Արմենիա և Արաբսկի քաղաքներ, էջ 127—128) և Գ. Գրիգորյանը (Տարոնի քաղաքական վիճակը VIII դարում. — *Վրացական հաս. դիտ.*, 1975, № 9, էջ 47—48, տե՛ս նաև՝ Տարոնի Բագրատունիների ֆեոդալական իշխանությունը, էջ 54—55)։ Ս. Մելիք-Բախչյանը Զահապի և Աշոտ Մսակերի միջև տեղի ունեցած պայքարի բոլոր դրվագները դրել է 820 թ. (Հայաստանը VII—IX դդ., Երևան, 1988, էջ 349)։

36 Զ. Նալբանդյան. *Նշվ. աշխ.*, էջ 118։ Ա. Տիր-Ղևոնդյան. *Արարական ամիրայությունները Բագրատունյաց Հայաստանում*. Երևան, 1965, էջ 68—71։

37 Ն. Ագոնց. *Նշվ. աշխ.*, էջ 62։ А. Тер-Гевондян. *Указ. соч.*, с. 127.

38 The Cambridge Medieval History, v. IV, p. 701.

39 Զե որ նաև անտրամաբանական է մտածել, որ Աշոտ կյուրապաղատը այդ դեպքերից միայն 6—7 տարի անց դիմեց Լևոն V-ին օգնության համար։

ստացվում. 813 թ. ապստամբելով, Ջահապը իր որդու՝ Արդ ա-Մալիքի հետ դբավում է Դվինը հեռուն դնացող նպատակներով: Աշոտ Կյուրապաղատը, որպես Շիրակի Բազրատունիների հավատարիմ բարեկամ, դիմեց Միքայել I-ին (811—813) հաջորդած Լևոն V-ի օգնությանը, որը, սակայն նոր էր գուհակայել և առայժմ զբաղված էր Բյուզանդիայի ներքին և արևմտյան գործերով: Իսկ վտրդանը Լևոն V-ի այդ զբաղվածությունը բացատրել է նրա և Միքայել I-ի միջև ծագած հակամարտությամբ⁴⁰ և հենց այս մասին պատմիչի հաղորդումն է, որ հետադոտողներին կանգնեցրել է դժվարության առջև ու նրանք Բազրատունիների և Ջահապյանների միջև ընթացած պայքարի այդ փուլը հասցրել են մինչև 820 թ.:

Աշոտ Մսակերը հայկական հողերի միավորման գործը ղեկավարում էր նստավայր ընտրելով Տալքում, որը աշխարհադրական դիրքով նպաստավոր էր Բազրատունիների քաղաքական ծրագրերը իրականացնելու համար: Ներան հարևան էր Կյուրապաղատ Աշոտը, որը IX դարի առաջին տասնամյակներում «տիրեցաւ ի Կդարջայ մինչև ի Տփղիս, լեռնակողմամբն հանդերձ»⁴¹: Նկատի ունենալով Աշոտ Կյուրապաղատի դիրքորոշումը Ջահապյանների դեմ մղված պայքարում, կարելի է ասել, որ Աշոտ Մսակերը թիկունքից իրեն ապահով կարող էր ղգալ: Մյուս կողմից, Տալքը հարևան էր Բյուզանդիայի իսաղտիք թանտկաթևմին: Ծիջտ է, Լևոն V-ը չկարողացավ միջամտել Ջահապյանների դեմ Բազրատունիների մղած պայքարին, սակայն, ինչպես երեւում է, արաբական իշխանությունների և տարբեր ներկայացուցիչների դեմ մղած պայքարում Բազրատունիները կայսրությունից օգնություն ստանալու ակնկալիքներ ունեին:

Աշոտ Մսակերը արդեն Տարոնի տերը պետք է լիներ⁴², երբ պաշտոնապես «Հայոց իշխան» ճանաչվեց⁴³: Ուրեմն, Շապուհ Մամիկոնյանի (Սամուել Մամիկոնյանի Լղբոր) իշխանությունը Տարոնում ժամանակադրորեն կարող էր տևած լինել մինչև IX դարի սկզբները:

Այսպիսով, արաբական խալիֆայության դեմ բռնկված 774—775 թթ. համաժողովրդական հուժկու ապստամբությունը նոր փուլ ազդարարեց Հայաստանի հետագա քաղաքական զարգացման ընթացքում, որի գագաթնակետը հանդիսացավ Հայոց պետականության վերականգնումը ի դեմս Բագրատունիների թագավորության: Բազրատունիների կենտրոնաձիգ քաղաքականության հիմնաքայլերից էր VIII դարի վերջից—IX դարի սկզբներից հայկական հողերի վերամիավորումը:

⁴⁰ 820 թ. հեկտեմբերի 24-ին Միքայել I-ը կայսր հռչակվեց: Միքայել I-ի ժամանակաշրջանը պատմիչի կողմից խնդրո առարկա անցքերին մոտեցնելը կարող էր նաև հետևանք լինել նույնանուն կայսրի՝ Միքայել I-ի (811—813) Լևոն V-ին նախորդելու իրողության:

⁴¹ Վարդան, էջ 78:

⁴² Գ. Գրիգորյանի կարծիքով Տարոնը Բազրատունիներին էր անցել VIII դարի վերջերին կամ IX դարի սկզբներին, մինչև 804 թ., մինչև խալիֆայության կողմից Աշոտ Մսակերի հայոց իշխան ճանաչելը (Տարոնի Բազրատունիների ֆեոդալական իշխանությունը, էջ 55):

⁴³ Հ. Նալբանդյանի կարծիքով Աշոտ Մսակերը խալիֆայության կողմից «Հայոց իշխան» ճանաչվեց 806 թ. (նշվ. աշխ., էջ 117), իսկ, ըստ Ա. Տեր-Ղևոնդյանի՝ 604 թ. (նշվ. աշխ., էջ 126):

УТВЕРЖДЕНИЕ БАГРАТИДОВ В ТАРОНЕ И АРШАРУНИКЕ

Доктор ист. наук Ө. Л. ДАНИЕЛЯН

Резюме

Восстановление армянского независимого государства в IX веке было обусловлено борьбой армянского народа против чужеземного владычества и исходящей из нее политикой Багратидов, направленной на объединение армянских земель и воссоздание армянского царства. В своей центростремительной деятельности Багратидам удалось пресечь действия стремившихся к власти Джаххафидов и покровительствовавшего им Меружана Арцруни. Сообщение Вардана Аревелци о событиях, связанных с борьбой Ашота Мсакера Багратуни против Джаххафа и его сына Абд ал-Малика, датируется 813-м годом, а не промежутком времени, охватывающим 813—820 гг., как считают некоторые исследователи. Багратиды, перенесшие все тяготы управления страной периода владычества Арабского халифата, умудренные опытом тяжелейших испытаний, целенаправленно проводили политику централизации армянских земель, завершившуюся созданием армянского царства Багратидов.